

Wie salla !

Wu's bei dar Morizkirchen
Zur grossen Tür neigett,
Rachts an dar Wend dar Adam
mit seinar Eva stett.

Jed's stett auf an Konsöla
Jed's stett für sich allah.
Wenn's viel so machen täten,
Wärsch gut für Mah und Frah.

Su stenn sa dort ganz nackart
Ham ib ihrn ganzen Lahm
Kan Schustar und kan Schneider
Wos zu vardiena gahm.

Gaknausert ham die Lüder.
Gagünnt ka Kartla Bier.
Betracht'sa Euch na richtig :
an ihn is nex und ihr.

Wos alla bäda halten
in ihra rachten Händ,
des senn doch keina Öpfel,
Sen roha Klöß amend.

Unn des, des wird scho stimma,
Ma sieht' s schon an dar Größ
So winzig san gewesen
dar Eva ihra Klöß

An solcha klana Klößla,
Do is'tma sich ja krank.
Drüm is dar und sei Eva
So rappeldörr und schlank.

Kocht Klöß, macht fazzen Trümer
Ihr Weiber für und für !
Sünst wem ma dörr wie salla
Dort an dar Kirchentür.

Schursch

